



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 6. Quantùm S. Hilarion, S. Franciscus, alijq[ue], & quo iure, honorem
contempserint.

[urn:nbn:de:hbz:466:1-48689](#)

quàm signa & miracula, quàm omnem re-
S. Chrys. liquam nominis celebritatem. Huius animi
 hom. 8. in sententiæque etiam fuit S. Chrysostomus,
 ep. ad qui ita loquitur. *Non ita beatum Paulum di-
 Ephes. carcerem est coniectus; non ita beatum estimo,
 quòd verba ineffabilia audiuit, atq; quòd vincu-
 la sustinuit: quòd enim ista reliqui sint maiora,
 audi eum ipsum, quo modo glorietur!* Neq;
 enim dicit: *Hortor vos ego, qui verba ineffabilia
 audiui: sed quid?* Hortor, inquit, vos ego vin-
 etus in Domino, potius mihi habetur male affi-
 pro Christo, quàm honorari à Christo.

§. VI.

Quantum S. Hilarion, S. Franciscus, alijs, &
quo iure, honorem contempserint?

S. Hiero- **S. Hilarion** sexagesimo tertio vita sua anno
 nym. lib. cernens grande monasterium, & multitudinem
 1. de vit. fratum secum habitantium, turbasq; eorum,
S. Hila- qui diuersis languoribus & immundis spiritibus
 rionis occupatos ad se deducebant, ita ut omni genere
 cap. 23. hominum solitudo per circuitum repleretur;
 flebat quotidie & incredibili desiderio conuer-
 sationis antiquæ recordabatur. Interrogatus h:
 fratribus quid haberet, cur se conficeret, ait:
*Rursum ad seculum redij, & recepi mercedem
 in vita. En omnis Palæstina & vicina Provin-
 sia*

cia aestimant me alicuius esse momenti, & ego
sub pretextu monasterij ad dispensationem fra-
trum, villa possessiones & supellectilem habeo.
Adeò verebatur, ne per honores sibi habi-
tos merces in hac vita redderetur, ut dum
alij eum aestimarent, sibi ipse ad sæculum
rediisse videretur. Quod fecerunt alij com-
plures, siue cum ab alijs honorarentur; si-
ue ne honorarentur. D. Franciscus, si ab ho- In hist. S.
miribus honore afficeretur, aut à vanæ glo- Francisci,
riolæ temptatione titillaretur, illico honorem
omnem in Deum remittens dicebat: Qui
ante statuam procidit in genua, & orat, ho-
norem aliquem exhibet, de quo tamen sta-
tua non potest gloriari, cum sit lignum,
vel lapis. Honor ergo in eum refertur, cu-
ius est statua, & quem in statua veneramur.
Ita & nos, quando honoramur, non habe-
mus caussam gloriandi, aut complacendi
nobis; quia quidquid in nobis rectè honora-
tur, Dei est; atque adeò Deus ipse est, qui in
nobis laudatur, honoratur, & cuius in no-
bis nomen sanctificatur. Taceo Iulianum,
eremitam, taceo Philagrium, Pastorem, &
alios Dei seruos, qui honores ab hominibus
exhibitost, vel exhibendos tamquam hydrā
fugerunt. S. Ambrosius adeò abhorruit ab

H h 2 Episco-

Episcopali dignitate, vt etiam præ ea infamiam ambiret. Siquidem, cum famæ abiectione, lupas domum adduci curauit, nein

Baron:
An. Chri-
sti 374.
Sepulue-
da ep. 49.

Episcopum eligeretur, vt ex antiquis monumentis confirmat Cardinalis Baronius, quod cur commenti, tanto post damnarit Sepulueda, non satis perspicio. Multi sane ius ad famam & honorem cum laude abiecerunt, quando ad se se in despicientia sui firmandos, scelera, quæ premere facile erat, orbi vniuerso publica esse voluerunt. Quæ res æternâ cum laude à Sanctis viris & Ecclesiæ luminibus præstata clarissimis historijs potest doceri. Quin sunt, qui Ecclesia annuente iuri famæ suæ renunciant. Quid quod sæpe aliquis non modò honorem suum ac famam sine culpa negligit, sed etiam conculcare ac proscindere obligatur? Nam si per calumniam violavit alterius non admodum disparis famam, nec potest, nisi cum retractatione in probrum suum cedente, maculam alteri immissam eluere, omnino debet cum probro suo alterum præstatre indemnem: quod facere nullo modo posset, nisi honoris & famæ dominus esset. Quamuis enim culpa esse possit, famam sine causa prodigere (sicut & bona fortunæ ce-
teræ,

tera, quorum domini sumus) tamen ea pro-
digalitate, ius alterius, (ac ne communitatis
quidem) non violatur, nisi quando quis fa-
mam suam, vel honorem speciali vinculo al-
ijs obstrictam habet; ita vt, cum honore
iphius & fama, honor quoque & fama com-
munitatis implicitur. Talis enim contra-
iustitiam, famam suam negligit; non quia
famam aut honorem suum, quorum erat
dominus, negligit; sed quia alienam famam
suæ innexam, & ius ad alienum honorem
cum suo coniunctum iniuria affecit. Quo
pacto cauendum est Religiosis, ne in Reli-
gionis suæ, & Clericis, ne in Ecclesiæ præiu-
dicium famam suam profligent, faciantque
nomen Dei blasphemari inter gentes. Quod pe- Rom. 21
riculum abfuit in Ambrosio, in S. Fran- 24.
cisco, & alijs Sanctis, qui circumspetè ali-
quid fecerunt, vt se, non Ordinem, aut Ec-
clesiam contemptibiles facerent. Quamuis
nec Deus permisit, vt ex eorum submissione,
aliqua in Sanctos nota redundaret. Enim-
uerò ea ipsa nota, postquam vnde orta sic
patuit, in magnam gloriam cessit.

§. VII.

*Mirissimum odium honoris Sancta cuius-
dam.*

Hh 3

Quis